

内蒙古大学出版社

齐木德道尔吉 乌云格日勒  
田德日克 额尔敦高娃  
伊克 编

# 清朝世宗朝实录蒙古史史料抄

清实录蒙古史史料抄（三）

K281.2  
126

清朝世宗朝实录蒙古史料抄

江苏工业学院图书馆  
藏书章

内蒙古大学出版社

齐木德道尔吉  
田军 乌云格日勒  
伊德日克 额尔敦高娃 编

图书在版编目(CIP)数据

清朝世宗朝实录蒙古史史料抄/齐木德道尔吉等编. —呼和浩特:  
内蒙古大学出版社, 2009. 8

ISBN 978 - 7 - 81115 - 712 - 3

I. 清... II. 齐... III. 蒙古族 - 民族历史 - 史料 - 中国 - 清代  
IV. K281.2

中国版本图书馆 CIP 数据核字(2009)第 143338 号

|         |                                           |
|---------|-------------------------------------------|
| 书 名     | 清朝世宗朝实录蒙古史史料抄                             |
| 编 者     | 齐木德道尔吉 乌云格日勒 田军<br>额尔敦高娃 伊德日克             |
| 责 任 编 辑 | 石 斌                                       |
| 封 面 设 计 | 杨亦武                                       |
| 出 版     | 内 蒙 古 大 学 出 版 社<br>呼和浩特市昭乌达路 88 号(010010) |
| 发 行     | 内 蒙 古 新 华 书 店                             |
| 印 刷     | 内 蒙 古 地 矿 印 刷 厂                           |
| 开 本     | 880 × 1230/32                             |
| 印 张     | 12                                        |
| 字 数     | 320 千                                     |
| 版 期     | 2009 年 8 月第 1 版 2009 年 8 月第 1 次印刷         |
| 标 准 书 号 | ISBN 978 - 7 - 81115 - 712 - 3            |
| 定 价     | 26.00 元                                   |

本书如有印装质量问题,请直接与出版社联系

## 说明和凡例

- 一、该书中的蒙古史史料以中华书局影印乾隆朝定本《世宗宪皇帝实录》为底本。
- 二、摘抄范围：蒙古部落、盟旗发生的事务；与蒙古人活动具有密切关系的区域部落事务。
- 三、收录蒙古族官员戚属及其活动内容；还收录了蒙古八旗相关资料。
- 四、以年代为顺序，再列以月、日。年代、月份、正朔用黑体，干支日用宋体。
- 五、各辞条下面附注原书卷数和页码。同一日期的辞条，仅在第一条前标干支日，在最后一条后标卷数和页码。
- 六、除了极个别字之外，全书以简体字摘录，并对个别刻印有误之处加以改正。

清实录蒙古史史料抄(三)

大清世宗敬天昌运建中  
表正文武英明宽仁信毅  
大孝至诚宪皇帝实录

康熙六十一年壬寅至雍正十三年乙卯  
(1722—1735)

世宗敬天昌运建中表正文武英明宽仁信毅大孝至诚宪皇帝讳胤祯，圣祖合天弘运文武睿哲恭俭宽裕孝敬诚信中和功德大成仁皇帝之第四子也。母孝恭宣惠温肃定裕赞天承圣仁皇后，吴雅氏，原任护军参领加封一等公卫武之女，端庄恭肃，慈惠安和。事圣祖仁皇帝，恪襄内治，著范官庭，嘉祥肇集。尝梦月入怀，华彩四照，已而诞上。时康熙十七年戊午十月三十日寅时也。诞生之夕，祥光煜爚，经久弗散。闾宫称异。上天表奇伟，隆准颀身。双耳丰垂，目光炯照，音吐洪亮，举止端凝。大智夙成，宏才肆应。允恭克让，宽裕有容。幼耽书史，博览弗倦。精究理学之原，旁徇性宗之旨。天章浚发，立就万言。书法遒雄，妙兼众体。每筹度事理，评隲人材。因端竟委，烛照如神。韬略机宜，皆所洞悉。而性尤纯孝，婉愉爱慕，悉本乎至诚。逮事孝庄文皇后、孝惠章皇后，备膺慈眷。侍奉圣祖仁皇帝、孝恭仁皇后，尽礼尽敬，仰惬欢心。偶遇圣祖违和，必躬亲汤药，问视惟度，昼夜无少懈。圣祖常称为诚孝焉。又谊敦友爱，值二阿哥罪废，众议当幽禁。上独涕泣不能起。圣祖为之动容。平日无私交，无党援，无干誉，秉道守义。巍然自重，尝奉命随征，统率将士，军纪肃然。初封多罗贝勒，晋封和硕雍亲王。每值銮驾巡方，翠华驻跸。辄命扈行，军国大计，亦多咨决。裡祀鉅典，恒令恭代。圣祖尝谕诸大臣曰，朕万年后，必择一坚固可托之人，与尔等作主，令尔等永享太平。盖天心默定，神器攸归久矣。及奉大行遗诏，缟纻丕基，孝思弥切，哀慕无穷。一切丧仪隆备，庙号尊崇，素服三年，齐居别殿，奉安陵寝，亲掖龙举，莫不定自宸衷，动符典则。至于抚驭臣民，义安中外，揆几达变，振纪饬纲。体圣祖之心以为心，法圣祖之政以为政。钦若昊天，祇承列祖，隆师重道，敦族亲贤。恩膏溥浹于九垓，治化遐孚于八表。风俗移易，吏治澄清。仁渐义摩，熙熙皞皞，共游于尧天舜日之下。又复刊颁训谕，昭布章程，以觉世牖民。提撕而引翼之，彰瘅之用肃焉，君师之极备矣。武功赫濯，边埃用宁。威惠暨敷。苗夷从义，辟版图于绝域，徠职贡于遐陬。神功圣德，炳炳麟麟。与天同覆，与地同载。与日月合其明，与四时合其序。盖临御者十有三载，垂裕者亿万斯年。殚宵衣旰食之劳，笃觀光扬烈之志。措海宇于晏安，登民物于康阜。苍穹应瑞，坤轴呈灵。从古邳隆之代，罕有比拟。从古忧勤之圣，亦罕有等伦。是以经纶美备，轨度光昭。允足为万世则效云。

## 目 录

### 圣祖朝

|                |     |
|----------------|-----|
| 康熙六十一年壬寅(1722) | (1) |
|----------------|-----|

### 世宗朝

|               |       |
|---------------|-------|
| 雍正元年癸卯(1723)  | (4)   |
| 雍正二年甲辰(1724)  | (33)  |
| 雍正三年乙巳(1725)  | (65)  |
| 雍正四年丙午(1726)  | (92)  |
| 雍正五年丁未(1727)  | (109) |
| 雍正六年戊申(1728)  | (130) |
| 雍正七年己酉(1729)  | (143) |
| 雍正八年庚戌(1730)  | (166) |
| 雍正九年辛亥(1731)  | (182) |
| 雍正十年壬子(1732)  | (261) |
| 雍正十一年癸丑(1733) | (317) |
| 雍正十二年甲寅(1734) | (338) |
| 雍正十三年乙卯(1735) | (358) |

康熙六十一年壬寅(1722)

康熙六十一年壬寅。十一月，壬午朔。乙未，以户部尚书孙渣齐暂理工部事务，两江总督查弼纳暂理礼部事务，乾清门一等侍卫拉锡暂管理藩院事务。

(卷一，页33下)

丙申，谕理藩院，先时皇考甚爱惜诸蒙古王、台吉等，一应大事，其未出痘者，皆不令来京。朕何敢有违前旨。着行文各蒙古处，其未出痘者，不必前来。诸蒙古皆感戴我皇考抚养重恩，今来朝谒梓宫，非常日可比，可增给口粮，以示优典。

(卷一，页34上)

丁酉，又谕，皇考念切天下兵民生计，因京师米贵，焦思极虑。当龙驭上宾之时，犹惓惓未释于怀。向来口外米谷，不准运进口内，而烧锅仍照常开设。可速令口外米谷，准其进口。其开设烧锅，着行禁止。

(卷一，页35)

庚戌，谕理藩院，翁牛特公鄂齐尔自幼跟随我皇考，效力多年，人甚谨慎。朕十岁时，亦曾跟随出猎行走，着封为贝子。

(卷一，页44上)

十二月，壬子朔。丁巳，谕内阁，朕仰荷祖宗眷佑，纘承大统，恭上皇考圣祖仁皇帝尊谥，敬念太祖高皇帝、太宗文皇帝、世祖章皇帝三圣相承，功高德盛，载考典章，加上尊谥。因念孝庄文皇后肇基翊运，启佑两朝，朕在冲龄，备膺慈爱。孝康章皇后，诞育先皇，懿徽流庆。孝惠章皇后，德隆福厚，笃爱朕躬，朕意亦宜并加尊谥。但追尊固出至情，而推崇必遵定礼。尔等酌古准今，会同确议。俾朕得稍展思慕之诚，又念仁孝皇后，作配皇考，孝敬宽仁，坤仪懋着。孝昭皇后，恪恭温顺，树范宫闈。孝懿皇后，徽音淑德，慈抚朕躬，恩勤备至，均应恭上尊谥，以昭示万年。内阁九卿翰詹科道会同详察典礼具奏。



寻议，臣等伏查从前恭上列祖尊谥，太祖承天广运圣德神功肇纪立极仁孝睿武弘文定业高皇帝，今拟于睿武字下，加上端毅二字。太宗应天兴国弘德彰武宽温仁圣睿孝隆道显功文皇帝，今拟于睿孝字下，加上敬敏二字。世祖体天隆运英睿钦文大德弘功至仁纯孝章皇帝，今拟于体天隆运字下，加上定统建极四字。又查从前恭上列后尊谥，孝慈昭宪敬顺庆显承天辅圣高皇后，今拟于敬顺字下，加上仁徽二字。孝端正敬仁懿庄敏辅天协圣文皇后，今拟于仁懿字下，加上哲顺二字。孝庄仁宣诚宪恭懿翊天启圣文皇后，今拟于恭懿字下，加上至德二字。孝惠仁宪端懿纯德顺天翼圣章皇后，今拟于端懿字下，加上慈淑二字。孝康慈和庄懿恭惠崇天育圣章皇后，今拟于恭惠字下，加上温穆二字。又仁孝皇后、孝昭皇后、孝懿皇后尊谥，应遵照初上尊谥十二字之典礼。恭拟上仁孝皇后尊谥曰仁孝恭肃正惠安和俪天襄圣皇后，孝昭皇后尊谥曰孝昭静淑明惠正和钦天顺圣皇后，孝懿皇后尊谥曰孝懿温诚端仁宪穆奉天佐圣皇后，伏候钦定。得旨，是，依议。

（卷二，页49上—50下）

己未，谕理藩院，外藩小台吉等到日，应给与廩饩，不必久留，即令起程，各回本处。随到随令瞻仰梓宫。至于除服之后，朕隔一二日，至寿皇殿，乘便着蒙古王、贝勒、贝子、公并大台吉十余人，齐集见朕。其各小台吉，亦令于景山东门内远处齐集。

以镶白旗蒙古都统马武为镶黄旗领侍卫内大臣，仍兼理内务府总管事务。正红旗满洲副都统宗室勒什亨署正黄旗领侍卫内大臣。升正白旗蒙古副都统觉罗舒鲁为正白旗领侍卫内大臣。

（卷二，页51下—52上）

癸亥，理藩院遵旨，将曾经军前效力，荷蒙圣祖仁皇帝恩眷之蒙古王、台吉等，分别次序，在梓宫前，以圣祖仁皇帝御用物件赏赐。上谕曰，凡此皆皇考御用之物，尔等乃皇考信任之人，故颁赐尔等，嗣后当永永思念皇考恩遇之隆，倍加效力。

晋封阿霸垓辅国公达尔汉德木楚克为镇国公，以其侍圣祖年久，谨慎朴诚也。

(卷二,页 56 下)

甲子,命吏部尚书富宁安为武英殿大学士,兼吏部尚书。以理藩院尚书舅舅隆科多为吏部尚书,仍兼管步军统领事务。廉亲王允禩为理藩院尚书。理藩院侍郎特古忒加尚书衔,仍办理侍郎事务。副都统位锡兼署理藩院侍郎事。

(卷二,页 58 上)

丙寅,实授马尔萨为正黄旗满洲都统。升镶白旗汉军副都统拉锡为正白旗蒙古都统。

(卷二,页 59 上)

戊辰,调镶红旗汉军副都统广福为本旗蒙古副都统。

(卷二,页 60 上)

己巳,调镶黄旗蒙古副都统宗室汝福为本旗满洲副都统。正蓝旗汉军副都统哲尔袞为镶黄旗蒙古副都统。升正白旗参领多赛为正蓝旗汉军副都统。调正白旗汉军副都统觉罗诺穆齐为本旗满洲副都统。升王府长史哈达为正白旗汉军副都统。正白旗前锋参领萨哈查为本旗蒙古副都统。

(卷二,页 60 下—61 上)

乙亥,喀尔喀泽卜尊丹巴胡土克图率达什垂木丕尔托音、多尔济托音来京,恭吊大行皇帝丧,并献驼马,酌纳之。

(卷二,页 64 上)

丙子,孝庄文皇后忌辰,遣官祭暂安奉殿。

(卷二,页 64 上)

己卯,谕总理事务王大臣等,噶斯遣兵驻扎,特为防范策妄阿喇布坦之人侵犯青海。今噶斯一路,官兵无事,可将驻扎年久之人撤回。其新往官兵内,验看汉仗好者,移至巴尔库尔效力。再量留兵丁,驻防噶斯一路之处,尔等详议具奏。寻议,噶斯现有满洲、绿旗兵共一千六百八十七名,应行文将军宗查布,令其挑选满洲、绿旗兵五百名,暂于噶斯一路驻扎防守。其余兵丁,俱撤回原处。具勒色卜腾扎尔、盆苏克汪扎尔、达颜之子达锡策零驻守处,既与噶斯相近,伊等

兵丁，亦令预备。如有用兵之处，与青海、西宁等处兵丁，一并调遣。从之。

(卷二，页 65 下)

雍正元年癸卯(1723)

雍正元年癸卯。春正月，辛巳朔。丙戌，孟春。上召来京叩谒梓宫之科尔沁达尔汉亲王和硕额驸罗卜藏滚布等，入养心殿。谕曰，尔等先世，俱在太祖时归诚效顺，竭力同心，谊若一家，懋着勤绩。尔等皆深沐皇考加恩爱养之人。今闻皇考升遐，叩谒梓宫，哀号擗踊，朕心深为悯恻。仰惟皇考视尔等如子孙，于兹六十余年，恩隆情笃。今龙驭上宾，属大位于朕躬。朕仰承皇考付托之重，当视尔等亦如一家，深加爱养。尔等宜感念皇考深恩，和衷共励，竭诚效力。尔等众扎萨克，俱有办理旗务、统辖众庶之责。凡事秉公矢慎，各抚恤属下人等，慎勿扰累。

(卷三，页 81)

辛卯，署理抚远大将军事务辅国公延信折奏，甘州所屯兵丁除京城满洲兵外，有预备调遣鄂尔多斯兵三百名及宣化兵五百名、古北口兵四百八十名、山西兵五百九十名、陕西榆林兵一百九十名，分屯各处。现今并无调遣，请俱令撤回本处。奏入。报闻。

(卷三，页 82)

壬辰，谕总理事务王大臣、议政大臣等，青海台吉策零董洛卜，着封为贝勒。自西陲用兵以来，青海之王以下台吉以上，各着劳绩。皇考曾降旨，俟凯旋之日，再行计功。今青海王、台吉等，历年效绩，作何加封施恩之处，察明议叙具奏。

(卷三，页 82 下)

癸巳，理藩院奏，来谒梓宫之蒙古王、贝勒、贝子、公、额驸、台吉等奏称，世受国恩，不忍即归，拟住京师，候送梓宫。得旨，候送梓宫，尚须两三月。若去而复来，殊属劳苦。时当春季，马匹必致羸瘦，来

而复归,必更艰难。着照王等所请,在京候送梓宫。俟安奉陵寝享殿礼成后,令回本地。至九月内,梓宫安奉地宫,伊等必复来送,正值草盛马肥,可即从伊本处,前诣陵寝。

(卷三,页83)

丙申,先是理藩院奏,泽卜尊丹巴胡土克图原系法教内之第一人。数世行善,垂九十年。当噶尔丹叛乱时,身率七旗之喀尔喀等来归,最为有功。伊系喀尔喀汗之子、土谢图汗之弟,遭逢圣朝,迭蒙殊遇。前年圣祖仁皇帝面谕之曰,癸卯年朕寿七十,尔寿九十,大庆之年,尔必前来,断勿食言。胡土克图领旨而回。今虽年迈衰病,遵谕来京。谒见梓宫,志愿已遂,泊然示寂。请照达赖喇嘛、班禅额尔德尼之例,给赐名号、印、册,以示优典。得旨,俞允,命给与名号、印、册。既而喀尔喀土谢图汗等以停止往吊胡土克图奏请,上谕曰,胡土克图极蒙皇考圣祖轸念,礼遇加隆。皇考圣祖升遐,系甲午日,今胡土克图国圆寂,亦系甲午日。佛果圣因,证明不昧。胡土克图非寻常僧人比,朕躬亲往悬帕供茶,以尽朕心。将此旨传与喀尔喀汗、王、额駙及胡土克图徒属人等知之。至是理藩院以移送泽卜尊丹巴胡土克图龕座,请派大臣官员,护送前往。上特命敦郡王允禔、世子弘晟,赏赐印册奠仪。又命散秩大臣尚崇廌等,护送胡土克图龕座前行,所过蒙古地方,勿得任意骚扰需索。

(卷三,页85下—86上)

庚子,调镶红旗蒙古副都统秦布为本旗满洲副都统,升一等护卫舒米达为镶红旗蒙古副都统。

理藩院议覆,喀尔喀和硕额駙策零奏请,将原编入察哈尔旗分一佐领之人,停其给与钱粮,恳恩令带回本处,共为两个佐领,一体承办差徭。应如所请,从之。

(卷三,页86下—87上)

壬寅,谕总理事务王大臣等,母后诞育朕躬,纘承大统,谨考彝章,请上尊号。母后以皇考梓宫,奉移山陵之事未毕,不忍即受尊称。前据王大臣等,合词虔请。敬上仁寿皇太后尊号。盛德谦光,屡辞不

允。诸王大臣援引旧典，恳求再三，始蒙慈允。今恭上册宝典礼，亟应举行。母后圣意，仍欲迟迟。朕复再四陈恳，未蒙许允。见今山陵之期已近，尊崇大典，諷吉何时，总理事务王大臣，会同礼部九卿，确议具奏。

又谕，前往陵寝之处，着总理事务王大臣，会同裕亲王、履郡王、公马尔赛、大学士嵩祝详议具奏。寻议，宋明之礼梓宫至山陵，嗣帝皆不亲送。宋时以亲王、宰相充之。明时或以皇子、亲王主之。祈皇上思宋明定制之深意，念宗庙社稷之重任，以慰臣民之心。得旨，凡事当遵奉祖考已行典礼，方为尽善。前曾祖母太皇太后发引时，皇考亲自恭送。至祖母皇太后发引时，皇考圣躬违和，兼有足疾，尚且亲送梓宫启行。诸王大臣岂能劝止乎。亲送皇考梓宫至山陵，朕意已定，大臣等勿再强奏。

（卷三，页 87 上—88 上）

乙巳，总理事务王大臣，会同礼部九卿，遵旨议奏，臣等谨考典章，恭上仁寿皇太后尊号，伏承懿旨，以圣祖仁皇帝梓宫奉移山陵之事未毕，屡辞不允。臣等众吁恳求，始荷允行。今恭上册宝典礼，皇太后仍欲迟迟，仰见圣德谦光，追念先皇诚敬哀慕之心，至真至切，从古未有。臣等窃思尊上崇称，圣王之盛轨，恪遵慈谕，大孝之至情，况值圣祖仁皇帝梓宫奉移山陵在迩，谨俟事毕之后，恭上皇太后册宝典礼，吉期交与钦天监选择举行，得旨，是。

（卷三，页 90）

丙午，策妄阿喇布坦使臣垂纳木喀等朝见。上命都统拉锡、理藩院尚书特古忒传谕曰，尔国台吉，在我圣祖皇考时，虽有微劳，亦多罪戾。乃无故侵我哈密，发兵往招，杀害拉藏，毁坏佛教，惟天子统御万邦，理宜兴师问罪。我圣祖皇考至仁如天，但令陈兵边境，俟其深悔前非，即加恩宽宥，并无意于殄灭尔国也。其后泽卜尊丹巴胡土克图为策妄阿喇布坦再三求赦。我圣祖皇考追念旧日微劳，又曲鉴胡土克图老人恳款之意，允其所奏，令遣使往谕。待其伏罪自陈，即降恩旨。今圣祖皇考升遐，朕继承大宝。胡土克图老人远来，再为奏请。

是以复遣使于尔,若尔台吉即遣亲信之人,诚恳陈辞,朕即宽宥,以宁尔土宇。若冥顽不灵,仍拘兵端,亦可明言其意。如欲广我圣祖皇考之仁恩,惟尔台吉。欲振我圣祖皇考之武烈,亦惟尔台吉。朕仰承丕绪,行我军威,尔台吉诃不稔知。今胡土克图大喇嘛又已圆寂,从此亦无有为尔台吉奏请者矣。可作速定夺来奏,若仍前支吾,则兵由尔起,无与于朕也。尔非专使,故不与尔敕书,尔其谨识朕言,一一往谕。

以故阿霸垓多罗郡王巴特玛袞楚克子索诺木拉卜坦、科尔沁多罗贝勒阿毕达子多尔济各袭爵。

(卷三,页91上—92上)

己酉,谕理藩院,赏赐蒙古扎萨克台吉、协理台吉之处,恩诏内并未议及。朕意欲赏赐伊等,着该院议奏。寻议,扎萨克台吉、塔布囊、白克及协理台吉内之缔姻协理台吉、平等协理台吉等,应照赏赐公等之数,酌量递减。和硕额駙应照扎萨克台吉例,多罗额駙应照缔姻协理台吉例,固山额駙应照平等协理台吉例赏给。从之。

(卷三,页92下)

二月,辛亥朔。以故喀尔喀多罗贝勒喇嘛扎布子策登扎布袭爵。

(卷四,页94下)

壬子,谕各路将军等,策妄阿喇布坦无故起衅,用兵八载,兵丁甚属劳苦。从前虽将老弱者撤回,今又历一二年矣。夫兵不务多,惟在精耳。须将实堪效力者,存留足用,裕其粮饷,方有裨益。现今尔等各处兵丁,不拘满洲、蒙古、汉人,择其精练者,存留军营,其年老残废者,于今年青草之时令其各回本处。

办理土默特事务刑部郎中福柱等奏,披甲阿纳等盗牛二头,照例应绞立决。得旨,偷盗一二牲犒,即将蒙古立绞,人命重大,嗣后应改为拟绞监候。若从此蒙古盗案渐少,则照此例行。悦蒙古无知,法轻多玩,而盗案比往年较多,则仍照原例拟罪。

(卷四,页94下—95上)

癸丑,追封仁寿皇太后曾祖额布根、祖一等阿思哈尼哈番兼佐领

额参、父护军参领卫武俱为一等公，妻俱为公一品夫人。并命卫武子白启，袭封一等公，世袭罔替。

（卷四，页 95 上）

乙卯，以故喀尔喀辅国公汪舒克子扎木禅袭爵。

（卷四，页 96 下）

丙寅，谕总理事务王大臣等，八旗满洲、蒙古、汉军内前锋护军、另户领催、披甲、闲散人等，有能翻译书写清字者，从前并无升用之路。着通行查询，如有长于翻译、书写清字，情愿考试者，开具人数奏闻，令其考试，择其甚优者呈览。

赐朝正外藩王、贝勒、贝子、公、台吉等银币、鞍马有差。

（卷四，页 101、104 上）

丁卯，命廉亲王允禩办理工部事务，裕亲王保泰办理理藩院事务。

（卷四，页 104 上）

戊辰，镶黄旗蒙古副都统哲尔袞缘事革职，升镶黄旗护军参领巴尔米忒为本旗蒙古副都统。

（卷四，页 104 下）

己巳，是日，大行皇帝卤簿全设于寿皇殿大门外，彩亭由景山东门入，大学士恭捧册宝，由中门中门入殿中樞扇，奉安于东边案上。上从大门中门入，进殿东，就拜位。行三跪九叩头礼。大学士恭捧香册箱跪献，上受册，供献毕，授左边礼部大臣跪接，恭安册案上。大学士恭捧香宝盞跪献，上受宝，供献毕，授右边礼部大臣跪接，恭安宝案上。典仪官奏宣册宣宝，随捧绢册绢宝宣毕。上行三跪九叩头礼。奠帛、献爵、亚献、终献毕。上行三跪九叩头礼，恭奉祝帛、绢册、绢宝，诣燎位。赞礼官奏礼毕。上趋至几筵前，跪抚宝榻，呼号大恸。左右无不悲感。以各有执事，不敢进劝。捧册宝大学士二人，进前哀恳。良久，上方出。及乘舆，犹涕泣不止。供献时，上高捧顶戴于首，备极恭敬。自初阅册宝，至于毕事，思功德之隆盛，感神人之礼隔。

哀恸失声,涕泗交颐。骏奔左右者,咸感动悲切,几不能持。因大礼攸关,皆勉强抑制,以襄巨典。册文曰,源远流长,宝历绵延于万叶。功高德盛,鸿名炳耀于亿年。参覆载以成能。亘古今而立极,光垂宝册。典重彝章。恭惟皇考大行皇帝,智勇表邦,宽洪锡福,统天作则,符大德之好生,法祖绥猷,继显谟而垂裕。溯自干纲始握,暨夫泰运宏开,推上理之化成,以至仁为治本。勤劳几务,皆缘利济苍黔。爱惜人才,总为辑宁区宇。法宫而问夜,民隐周知。御銮辂以省方,輿情毕慰。导黄流于淮海,悉本宸衷。挽红粟于东南,用宽物力。无一夫之不获,致比屋之可封。万象如春,媲美三皇之世。百祥从善,凝和四德之元。尊号宜崇惟仁克允。若乃时际守成,功同开创。我皇考膺图受箴,缵绪重光。文治休明,威灵赫濯。值三藩之叛逆,命诸将以诛锄。攘元裔之跳梁,捣其巢穴。涤台湾之氛侵,隶我版图。喀尔喀穷蹙来归,绥阖部而享安全之乐。噶尔丹凶顽不戢,统六师而彰扫荡之勋。惟彼策妄阿喇布坦者,潜踪远窜,负固弗庭,禁旅长驱,露布捷驰于北阙,天威远震。御碑屹立于西藩,光列圣相继之谟猷,拓自古未通之疆土。式遵彝典,载考诗书,禹谟以帝尧为圣君,商颂以成汤为烈祖,德无不备。必称圣而始该,功有独隆。非称祖其曷副予小子寅绍丕基,仰承鸿业。莫罄显扬之悃,佥询朝野之公。谨奉册宝,恭上尊谥曰合天弘运文武睿哲恭俭宽裕孝敬诚信功德大成仁皇帝。庙号曰圣祖。万年有赫百代弥尊,伏冀天慈,俯垂鉴格。谨言宝文曰圣祖合天弘运文武睿哲恭俭宽裕孝敬诚信功德大成仁皇帝之宝。

(卷四,页105下—107下)

庚午,谕理藩院,据察哈尔总管诺尔布奏报,察哈尔厄鲁特佐领罗卜臧锡拉布、蓝翎侍卫垂木丕尔等逃遁等语,著作速传知将军等,令其派兵各路,要截捕擒。再着喀尔喀、苏尼特严令各处哨汛,追剿擒获。其现在厄鲁特,恐伊等妄生疑虑。着一等侍卫达鼐、郎中鄂赖前往照管。俟将罗卜臧锡拉布等擒获之后再回京。

(卷四,页108下—109上)



乙亥,总理事务王大臣等遵旨议覆,自西陲用兵以来青海王、台吉等,俱各效力,应酌加封赏。亲王罗卜藏丹津应加俸银二百两、缎五疋。郡王戴青和硕齐察罕丹津应封为亲王。贝勒额尔得尼厄尔克托克托奈应封为郡王。贝子巴尔珠尔阿喇布坦、墨尔根戴青拉查卜应封为贝勒。辅国公噶尔旦达锡、敦多卜达锡应封为镇国公。吹拉克诺木齐亦应封为贝勒。其贝勒阿尔布坦温布应加俸银一百两。公诺尔布彭苏克应加俸银五十两。此外领兵进藏以及驻防噶斯柴旦木人员,应行文该将军查明具奏,分别加赏。从之。

(卷四,页110)

丙子,谕总理事务王大臣等,从前土默特因迁移台站,殊为扰累。伊等于用兵之际,知系国家大事看守台站,毫无迟误,甚属可悯。除照例赏给米粮外,应按人数,再加恩赉。此前往给赏之处,或另委人员,或即交与管理台站人员办理,着议奏。寻议,土默特坐台蒙古,应每兵各赏给银五两。公鄂伦岱整理军台事竣,不必前去,亦不必另派人员。其赏给银两之事,即交管理台站人员办理。从之。

(卷四,页110下—111上)

戊寅,晋封喀尔喀多罗郡王额駙敦多卜多尔济为和硕亲王、和硕额駙台吉策凌、贝勒丹津多尔济俱为多罗郡王,辅国公博贝为多罗贝勒。

(卷四,页111上)

三月,庚辰朔。甲申,谕总理事务王大臣等,在藏之兵或撤回或于通藏之路驻扎及西宁所余官兵撤回之处,集议以闻。寻议,西藏地方因策妄阿喇布坦妄行扰乱,用申天讨。平藏之后,留兵防护。恐屯扎日久,唐古特等供应繁费。应将驻藏官兵,尽行撤回。察哈尔及额駙阿宝之兵丁,应令公策旺诺尔布、都统武格、阿宝等统领,由西宁路遣回。阿宝在军营年久,应令伊与策旺诺尔布等一带来京。其江宁杭州兵丁,令副都统吴纳哈带领,由云南遣回。四川绿旗兵丁,令副将李现光带领,由打箭炉遣回。至两路适中之义木多,系通藏大路,应于四川绿旗兵内挑选一千驻防。应令总督年羹尧于川陕总兵、副